


林塘遺稿

坤



林塘遺稿下

賓接錄

謝陳副使錄示沿途所製二首
此以下壬申年遠接使時作
陪得嚴程盪受知
沿途三十六篇詩
天駒出水多奇骨
野鶴凌雲絕俗姿
遼蘄烟霞供彩筆
海山風月入吟脾
燈前試自高聲讀
頰裡清音當楚詞

憶當丁卯遠趨燕
曾近先皇雨露邊
燈燭九天朝退日
關山千里夢歸年
長城入海秋看月
孤竹成墟夕起烟
六載神遊今老病
白頭空詠寂寥篇

次韓正使渡鴨綠江韻

巍巍山斗並名高人道詞源倒峽濤蓮燭三秋辭翰苑
御香千里在宮袍鳳經荒服瞻雙節鶴吐微聲徹九臯窮
海即今歌帝力眼看民物入甄陶

次韓正使渡江遇雪韻

百靈環衛璽書通滕六先知鳳遡風山歷萬重新被縞
雲迷一朵遠遮紅天邊已助恩霑洽海上猶傳氣鬱葱
帝遣來年方有信更爭憂國願年豐

次韓正使良策館韻

紫氣隨仙馭文星照塞門迎恩齊彩仗享客列青樽禮樂
華風近詩書俗尚存傾心陪笑語寒館變春溫

次韓正使蟠松韻

天台上落落松其下謾說多仙蹤徂徠萬木供尋尺無人解玩冰雪容豈如車輦獨也青一團羽蓋千歲龍不向世間管炎涼好占官道排嚴冬幾見白鶴栖任教蒼苔封珠璣散不收遇賞皆詞宗何用明堂木剪伐輸九重吁嗟乎奇材不妨保天年藹藹野雲來相從

次韓正使車輦館道中韻

聽鴈懷家信挑燈筭客程樊裘蘇季子作賦庾蘭成天晚殘霞爛松高夕日明明朝林畔路雲傍馬頭生

次韓正使過孝女碑有感韻

事謀臧即具達

一杯立土不臣周喬木縱橫認舊疇每到彷徨不忍去傍人謂我有何求

身是忠臣迹是奴國亡何地駕言徂東來舊抱憑誰問一片歸心在毫都

八條遺教奠民居心法元從授聖餘野老豈知尊舊井鋤犁往往入荒墟

次韓正使快哉亭韻

道快何曾快塵寰本不清憑風始知味禦寇是同聲

次韓正使浮碧樓韻

川華斂處日華清雪後聊登百尺樓錦繡已凋銀作界玻
瓈初凍玉為流幸逢天漢接橫日不比山陰興盡遊樽俎
餘歡猶未艾歸時倘許重淹留

次韓正使練光亭韻

誰將淨練比官津謝朓詩情本出塵席上初鷗疑蘸鏡盤
中薦鯽亂堆銀烟波極目身千里文雅逢場酒數巡安得
清潭邀皓月使華留與較風神

次韓正使渡大同江韻

聖澤元無外官途不厭賒蹄澤身泛梗銀漢客乘槎發興
無長遂催程有暮筇仙舟忝同席一醉是生涯

次韓正使太虛樓韻

躡得仙蹤上太虛，彩雲深處更躊躇。
烟霞擁郭蒼巒秀，鐘磬落連村薜蘿。
踈除却羽翰，攀日馭若添風月。
合仙居，我泮一曲相知，晚白雪新詞為倡予。

次韓正使嘗玉溜泉韻

試茶無地酌甘泉，雪竇嘗來更澹然。
共道靈源入揚子，豈知真味在朝鮮。
初看粟粒浮蒼靄，漸聽松聲闌碧天。
兩腋清風聊可驗，玉川詩句政堪傳。

次韓正使玉溜泉短歌韻

葱秀山翠娟娟，造物真豪縱。
闢此壺中天，天生巖竅上連。

空萬點瓔珞知誰懸松根穿破最甘冽菊井比來差芳鮮
太史元來天上仙相對默默指下乍喻我洋絃大筆走龍
蛇倒流三峽川老我不及嶺頭龍欲效一語徒涓涓內熱
已兩月肺病今三年甌中春雪許我啜欲與安期羨門飛
栖方丈巔青鶴爲我橫蒼烟烟消月出有奇調水樂擬向
人間傳

次韓正使吾助川迴瀾石韻

突兀天磨走裔山龍頭盡處水灣環春花秋葉都成錦白
雪蒼苔巧作斑不厭移樽乘酩酊何妨引手弄潺湲他年
縹緲雲霄上倘記茲遊一夢間

天磨即迴瀾石祖山

次韓正使宣詔禮成韻

葵藿誠深奉 聖皇眼看新眷下奎章乾坤有意扶洪業
日月無私照萬方人似鳴陽爭覩彩文如扶漢爛生光
吾王終始勤侯度永配朝家寶曆長

次韓正使出勤政殿門外韻

尺一新頒慶屬東忽看飛雪舞回風囀綸 上國來殷侑
曳履藩邦有鄭崇已覺 恩波淪入髓方知喜氣暖騰空
尋思無得酬 皇眷會向明廷頌屢豐

次韓正使坐慶會樓韻

城頭華岳鬱昭嶢樓下清池蘸碧霄勝絕却疑三島近登

臨未覺九天遙雪霑樽酒寒猶歛風動爐香遠更飄珍重
皇華留語後定知佳迹播中朝

次韓正使謁宣聖廟韻

聲教初從上國餘為臨芥泮更躊躇文明啓運皇風
暢詩禮承家道脉舒千聖相傳元有法九夷何處不堪居
暮天譽地吾無說日月終須揭太虛

次韓正使登漢江樓韻

仙槎泛海協天遊玉節隨緣上畫樓漢曲山川方外羨吳
中形勝坐來收雲迎彩鳳如相媚人對沙鷗却有羞早晚
林臯吾欲老一江烟月是菟裘小墅在江上故云

次韓正使宿大平館用陳諫議韻

天涯行色苦栖栖
目斷燕雲西復西
剪燭未成鄉國夢
月明驚鵲更休啼

次韓正使至日大平館韻

乾坤正值泰階平
萬物都隨一氣生
人向北歸饒客夢
日將南至念宸情
愁多宮縷長添線
才薄新篇老未賡
安得梅花小窓畔
一床周易驗天行

次韓正使重過慈秀山韻

擢似芙蓉秀似葱
山靈新喜有遭逢
未應天竺飛來住
祇恐仇池在處通
董老遺碑摩碧蘚
許仙高躅躡清風
他時

禁掖青綾直魂夢頻尋析木東

次韓正使齊山亭韻

征途日日上陰晴喜過重江霽雪明琪樹數行簷外媚玉
峯千點望中平身持使節來東極夢作先驅到 北京躋
得曉星彌遠眺亂山深處是歸程

次韓正使重過迎薰樓用陳諫議韻

客路方西笑愁襟更北開地留前日勝月似故人來綉閣
披滕閣雄風快楚臺綵禽迎彩節飛去又飛迴

次陳副使渡鴨綠江韻此以下四十一首回程到林畔錄示即次韻呈
冠蓋奔趨地盡頭仙槎到處彩雲浮江郊逐節旌旗簇賓

館開博禮數優於式儒林知表準
籠羅物象見風流
藩京
幾日頒
芝札
四牡駢駢路更悠

次陳副使曉發義順館韻

鳳嘒丹詔下雲程
却喜天公餉晚晴
地近穹廬雖列障
江分天塹久休兵
絲綸降覆人爭扑
雨露濃時物共榮
恭命教馳三百里
先聲日夕到王京

次陳副使義州道中韻

將命詞臣傍紫臺
塵清唯覺傳車催
賜餘宮錦披雲出
封後芝函指日開
風雪撩人歸客鬢
物華資筆助仙才
天邊獻納無虛日
應向螭頭夢屢迴

次陳副使蟠松亭韻

蒼髯是我友相見不相違貌古遺塵想風清集羽衣酒徒
留宿債詩客打長圍一枕龍根睡江聲撼石磯

次陳副使新安館韻

相迎來駐國西涯目擊心期默自知漸覺奇懷真磊落空
慚踈鬢抱衰遲三秋客路看雲日萬里高堂對月時遊子
他鄉元自感啼鳥休上海桑枝

次陳副使迎薰樓對月韻

迎薰解迎節羈抱不曾開南閣憑風上東林報月來長歌
仍出塞多病獨登臺不盡鄉關思離腸費九迴

次陳副使渡清川江韻

千層銀闕潮頭浪萬點瑤簪雪裡山更着仙槎浮浩渺却
疑身八十洲間

次陳副使登百祥樓韻

迢迢危梯一路通豈知欄檻跨空中雲埋大野水河潤雪
滿羣山玉界同引望鰲頭迷落日平臨鴈背駕長風古人
物色分留少詩到清川更著功

次陳副使遇雪韻

只解從天落寧知映日浮蕭條埋野迳飄蕩入虛樓冷徹
相如辟寒侵季子裘空將兔園興翻作異鄉愁

次陳副使肅寧館韻

吟毫充盡酒杯乾
海內風流座上看
蘭室已聞香氣遠
綺筵還荷禮容寬
鄉心動處如懸旆
髀肉消來未卸鞍
瞻望雲霄攀不及
何方兩腋得生翰

次陳副使安定館道中韻

已覺三秋盡
飄零兩鬢華
孤燈不成夢
萬里苦思家
密雪霏寒重
顛風打帽斜
長程催歲暮
愁緒亂如麻

次陳副使安定館述懷韻

客思正紛紛
清笳那可聞
愁城攻百雉
筆陣掃千軍
且挂西山笏
休辭北海樽
新詞發孤唱
風格自超羣

次陳副使登浮碧樓韻

危樓迢遞壓層欄，拆盡東南眼界寬。
寂寞古城臨絕壁，縈迴石逕傍驚湍。
山呈圭壁連天淨，江作琉璃徹底寒。
無計春風陪勝賞，楊花飛處水漫漫。

次陳副使齊安館見月韻

客路凋雙鬢，容華只自憐。
行經莫再落，看到月三圓。
尺璧元非寶，瑤琴久斷絃。
神交願自托，千里意茫然。

次陳副使登廣遠樓清歡閣韻

傑構高無對，冲襟散不收。
村墟傍寥落，巖磴占清幽。
牛斗低簾額，烟雲護客遊。
仙居喜樓閣，於此暫遲留。

次陳副使龍泉道中韻

客館逢佳致，征途愜素心。
清溪喧澗曲，寒日上雲林。
寶劍誰能斲，冤氛故作陰。
張華不可見，人世老駸駸。

次陳副使寶山道中韻

曉曠王官欲告休，天涯風雪又西陲。
青雲器業公經世，白首行藏我度秋。
跡似杜陵後作客，心懷范老敢知憂。
吾鄉亦有滄溟水，早晚無違興一舟。

次陳副使開城府韻

瑤階剝落老苔荒，此是前朝舊地方。
龍齒晚雲閑有態，鳳城殘日澹無光。
賢邪事蹟歸黃壤，版籍山河入錦囊。
賴有

清霜重樓西曉月微高堂恐驚夢休向浙東歸

次陳副使宿大平館韻

身似羈禽不定栖夢闌殘月在樓西占得燈花綴金粟九
街烟樹曉鴉啼

次陳副使歸途韻

層冰積雪蒲山蹊人裂肌膚馬跼蹄烟起遠村知小店橋
橫落照認寒溪仲宣樓上開襟北子美詩中首路西採盡
風謠貯歸橐非關物色謾留題

次陳副使國王饒別慕華館韻

數里蒼松繚似城慕華烟景管將迎乾坤遍覆舍生類葵

藿偏深向日情投粲空教適子館繫駒何以挽行旌陽關
最是多哀調一曲聞來白髮生

次陳副使回程興義館道中韻

客路宵將盡殊方歲欲更寒空北斗爛孤店小燈明村逕
人誰到山蹊馬識行郵亭知遠近鷄唱兩三聲

次陳副使洞仙館韻

山空洞天幽日暮溪雲白仙人駕鶴歸紫霞尋無迹

次陳副使回程至黃州韻

魂夢無時不到京強鞭官馬促行程風烟捲地奚囊富
薏苡除裝越橐輕渺渺征途遙接漢搖搖歸意劇懸旌黃州

鼓角多情思送我西來遠出城

次陳副使鷄初鳴韻

玉漏寒曉鷄鳴五更夢千里程昨夜今宵擁火城明朝又
向江頭行相逢幾日遽云別日日百里窮遐征雲臺獻納
久虛席一念眷眷蘇蒼生君不見昨日少年今已老萬戶
不如還家好身資大平始歸來西湖不負梅花早

次陳副使蚤起韻

清曉頻聞隔岸鷄碧簷殘月漸西低孤城盡角催征旆雪
裡寒雲路自迷

次陳副使回程生陽館道中韻

行色每侵晡殊方歲月徂天時已逢至館號不相孤夢倦
難為蝶廷遙欲試鳬吟魂忽淒冷松頂雪模糊

次陳副使途中有感韻

豈乏酒堪喚頓無愁可銷風驚江路霰冰拍海門潮鑑曲
烟雲老山陰雪月遙興來猶輟棹心忠正難聊

次陳副使途中見山頭青松韻

欲識歲寒姿先看山上松顛風苦搖撼特立排玄冬滄溟
孤島客薇蕨西山蹤物豈知我心佇望空忡忡

奉別韓正使二首

山斗聲名錦繡腸清標雅量式東方文章久典絲綸美草

木新霑翰墨香蘭室餘芬薰馥郁琴徽微韻喻我泮廳輪
一去無回日天上人間兩渺茫

得識荊州意自敦生凋莫羨幾朝昏賓筵禮重聊憑譯默
會情多不用言白雪鵲江三疊曲淡烟狼子數家村極知
難挽星槎駐一夕相思九逝魂

奉別陳副使二首

落落看公器業優金門通籍重名流孔璋已覺才堪霸曲
近寧教老不侯白簡風霜稱諫院青煙樓閣說杭州高蹤
無地非仙府黃鵠迢迢挽不留

東湖客遇西湖客商略名區暫見親從古天淵元自隔如

今萍水不無目三邊雲日將迷路萬里風沙不貸人別後
清篇倘相寄江南應賦白蘋春

次黃正使頒詔韻此以下壬午年館泮時作

舊國迎恩起曉鷄百靈奔走擁前谿宮衣尚襲金爐篆
詔墨新霑玉璽泥已聽謳歌連北極莫言聲教限東提邦
人舉手予加顙欲挽行旌且少稽

謝黃正使錄示沿途所製二首

蓮燭分時輟講筵海邦爭覩降神仙却因路歷三千里
虞歌詩成一百篇牛渚燃犀多水怪崑山抵鵲亦腸鮮焚
香誦經高聲讀牙頰清風攪夜眠

丁年行役記吾曾遼瀾修程好飲冰歷歷道邊孤店月依
依天上早朝燈身回蜩螗疑千劫夢斷瑤臺杳幾層玉署
儒仙分物色詩壇聊復忝同登

謝王副使錄示沿途所製二首

給諫聲名海內傳東來物像困雕鐫巨靈應怖移山急富
媼終嫵捲地偏滄海明珠元受月藍田片玉亦生烟從今
不作西征賦為有先生數十篇

躡履追隨不是親故人相與亦元賓來通韓老青雲信最
驄 藩朝白髮臣叱馭關山寧駐節借風霞驚會傳神他
年獻納從容地應託京都舊主人

次王副使宣詔韻二首

虹流嘉慶應休期
錫祚仍教四海知
邦國自然歸安帖
乾坤從此轉清夷
身霑其化堪陳範
詩蘊天葩喜吐奇
童耆亦聞光領重
闕門爭覩好威儀

聖朝文治軼商周
使節東來禮義優
滿袖御香傳鵲尾
躡空仙舄下螭頭
歡聲競向鰲山沸
喜氣偏從鰈域浮
彩筆詞臣謀善頌
臨門催喚石鄉侯

次王副使登太平樓韻二首

仲宣心思好登樓
應為殊方苦滯留
雲作衣裳欺別袖
山回劍戟割鄉愁
連空燈火家家鬧
滿地烟華處處浮
消得

客懷無長物却携從事到青州

搖落空悲草木秋何如乘月上高樓
久拋窓底骨騰睡翻作天邊汗漫遊
青眼一方酬勝景白雲千里起閑愁
懸知別後相思處旅鴈聲中院落幽

次王副使燕慶會樓韻

絳闕西邊白嶽陬乾坤寥迥繞層樓
瑤池景色尋常近蓬島烟霞次第收
縹緲如聞笙在耳清寒偏覺日侵眸
吾

王拱極時登此北阜前頭望帝州

次王副使漢江樓韻

山下澄江江上樓昔賢於此幾曾遊
遭逢仙侶懷青曠擺

落人間事謬悠會勝却嫌雲易散
持殘唯許月空留相波
萬頃吾家物慣向危闌騁遠眸
江上有樊廬故云

奉別黃正使二首

下篇竊自寓意於韓大史先生以爲何如

昨夜司天報玉清
文星行帶福星行人
膽叔度新規範帝
愛庭堅舊姓名
金門每懸辭後夢
銅壺空送曉來聲
却催風馭冷然返
不盡人間去住情

登門一識敬堂公
十載行藏默想中
身健何妨千里遠
夢闌聊冀暫時通
重輝天上金蓮燭
添老江邊鶴髮翁
耿耿緘封空在髓
傳聲賴有赤心風

奉別王副使二首

分涇天上伏蒲臣自是箕疇化內人已許聲華留海服却
將風裁趁朝紳歌翻出塞三邊靜節迫生陽一氣新欲把
梅花遠相寄江南知有幾枝春

西郊雲日接寒沙北路風霜點鬢華形影依依留鰥域所
腸杳杳向星槎山陰興斷餘時雪膝閣詞高戀落霞此後
相思定何處鳳城宮闕漢江涯

贈別錄

送鄭得之赴端州

夙歸班揚接勝流
栢臺披膽久知優
昇沉有命難容力
非是無情孰主謀
北路萍飄來佩遠
東風花落綠陰稠
傷心未遂郊端送
只許垂楊管別愁

送洪德川淵赴任

朝天歸日佩銅章
未許君親一飯忘
直道舊聞師柳下
出治今見守淮陽
人間何路非危地
到處無心是道場
一鉢參湯消百念
鬼門關外亦佳鄉

送洪祭判六虛赴京

離何容易合何遲一日三秋是我思下國詩書當直夜九天環佩罷朝時兵鄉虛度鶯花節歸興應催鳴水湄京洛故人相憶處小窓風日煮桑枝

送鄭立夫赴北兵營

龍興舊地半襟荆塞上軍民係聖情北闕疇咨頌國老西涼節制仗書生青萍光動三邊日白羽風傳萬里聲樽俎安閑亦無侮虜中應已誦君名

送賁正官柳晦夫赴京

文獻徵華屬俊姿狀元聲價上邦知南宮演禮翰情素北極賓陽抱別離蠻館燭殘羈夢後午門香動早朝時歸來

倘問郊居地白髮枯筇倚竹籬

次東里翁韻奉送泛翁赴任雨述縣

校讐天祿閑晴陰腰佩銅章按轡吟十里桑麻宣上澤一
生經濟試初心黃公壚畔今無伴單父堂前祗有琴却憶
塲巖垂釣處滿溪風雨綠苔侵

送尹參判子昂赴京扇對格

西路亭長短那堪萬里身南郊花早晚獨占一年春象闕
星環極紫門月向人歸時期煮茗松石淨無塵

送洪時可出按嶺南

嶺海饒名勝葉山是故鄉那堪歲婉婉空憶摘簪香世路

隨年狹浮生到老忙
將心欲浮海旭日照扶桑

送洪遠可赴京

抱病依南郭
永綸近北辰
千秋奉佳節
萬里作行人
歷歷曾遊店
悠悠想問津
居停何以贈
無疾祝公身

送李牧使夢應赴晉州二首

諫席辭清議
雄州牧遠民
聲名振山岳
風俗入陶甄
擇士懸新榻
鳴琴改舊絃
青雲通館閣
宣召及瓜前

憶昨觀風日
天涯歲欲窮
微吟蠹石夜
閑曉小梅叢
夢想今猶在
江山與舊同
憑君專物色
萬一乞衰翁

送志尹赴關東幕二首

天下真居齊江原最上游
崇陰尊使節蓮幕簡名流
歷歷神仙窟行行風雨秋
刀圭曾有望衰白欲何求

我久思方外君今之嶺東
金剛尋絕境瓦注續前功
蓮翁猶存道杯觴亦省躬
鄉廬潛墮淚額角認來公

送管押使李汲古二首

交親今幾載乃見白

生慨我空多病看君又赴京
觀周

吳季札作賦漢長卿屈指相迎
日窓梅雪裡明

客路秋行晚殊方歲欲窮
知津訖可惴隱几若將終
報國心相勉歸田志略同
驪江通楚水他日兩漁翁

追奉湖南方伯沈方叔二首

落落青雲幹堂堂黑首卿聞同國休戚看攬轡澄清周道
飛騰六喬林看寄生懷哉慎行李到處繫民情

憶昨徵詩日當吾謝病時文房積逋欠心惡抱支離遠村
雲俱杳寒空月再虧聊吟八十字贏得鬢添絲

漢江送人

玉署羣賢會送君珠璣錯落煥成文中書病客嫵才拙空
誦江東日暮雲

送贊郎金希閔赴揚口二首

乞養雷封樂有餘山供嘉薦水供魚
衙場卧盡庭生草好
向鈴齋讀舊書

平易近民民必悅驕矜御物物應猜謙虛穩做無為理仔
聽歡聲起草萊

送人出按湖南

名藩按察屬名公攬轡澄清有范風到處棠梨歌蔽芾合
應編入召南中

送贅郎柳止彥赴平康

鳴琴單父宓子賤讀書松林韓退之二者必知君擇一古
人治道貴無為

送南府尹彥經赴全州玉首

大尹新臨百濟堦賢人醫國兩相如原頭突兀碑三尺不

車馬知多少，僻巷銷魂但病翁。

送鄭監司淵夫赴嶺南

端慤平生遇，聖知君家相。並隸華枝湖邊久，攬澄清轡
嶠外仍蔽芾，詩千里樓臺春望日。九天宮闕夢回時，吾
門偏荷君恩重。稠疊蓬山雨露垂。

送李金城碩明

道寧遙接赤城霞，五馬行邊歲又華。到處政聲清似水，老
來齋閣穩於家。琴書靜裡山長映，文簿稀時日未斜。燒得
降真香一炷，白頭烏盡蒼洪砂。

送李德川碩明

難追仙鶴去碧雲回首意茫然

次人韻題雄上人軸

竹屋憑雲几松窓伴雪眉清心元有法煮茗欲何為觀卜
蘇杭閑尋詩草滿池重逢應有地秋日撚霜髭

山人性鑑軸

世路心如梗郊扉迹近禪僧來問何自春去意茫然債宿
開忙異詩多語韻圓吾衰更無夢一錫羨彌天

次默齋韻題雪清詩卷

默老曾垂獎郎君好托襟交遊六十載存沒愛懷深墨跡
僧為寶流風世所歆居然戴華髮空費一孤吟

題僧軸

鍾動趁朝去鷄栖下直還重思猶未荅疎鬢已成斑世事
升除裡浮生夢寐間安閑深愧汝瓶鉢入秋山

贈清溪山僧

臘高禪味在圓蒲方寸無塵洞玉壺聞道清溪鶴一隻上
人蹤迹不應孤

贈華藏僧

飢氓滿眼牒盈前白首崇陰誤一年茶罷焚香謝寮主暫
時閑適亦夤緣

山人軸

釋王洞裡梨成雪國島城邊月是波勝地年年詩滿腹故
人翹首在南坡

卷之三

三

傷悼錄

中廟遷陵挽詞

憶昔初遺劍微臣正抱艱含情依草土泣血望喬山經席
移容地鵲行肅穆間霓旌今再侍恍惚拜龍顏

仁順王后挽詞

聖孝人無間慈仁物共依茫茫蒼昊遠冉冉白雲飛長樂
虛春晝喬陵淡夕暉含生孰無淚偏濕老臣衣

尹判書鉉挽

辛卯同年幾箇遺公今謝世世依誰三塲文範傳詞苑一
國民生倚度支羣望方推黃閣日上清催記玉樓時青尊

白髮年前會追憶空尋畫上儀

閔文川思容挽

弘化當年侍立嚴典刑人說屬宗男傳家詩禮登司馬莅
郡聲名作指南荀氏八龍猶欠一桓生四鳳已過三斯言
足當公門慶不用庚朋老淚含

李兵使夢應今公挽

一生能武又能文到底威聲動十分鳴劍龍沙期掃敵舉
鞭胡騎不成羣形歸馬革酬奇志位復金章荷聖君忠
績依然典刑在孤兒悲憤哭干雲

潘城府院君挽

國舅云亡半百時仰惟 中壺軫深悲平平心跡仍初服
孑孑衰麻迫再期華屋空臨九街峙祖程無賴萬人隨遺
孤詩禮青氈在少慰賓僚不盡思

金舍人天字挽二首

鴈塔題名公讓我鵬程擊水我推公一生際遇風雲會十
載功名館閣中鸞鶴身推何處見巖廊望缺衆人同修文
舊說元非詠泉下相逢是 舜瞳

東湖聞說梅花發秉燭相期二月初大夢忽驚纔隔日皇
天何事但高居

友人挽

人隨大化運如流窮達同歸土一丘君未病時朝夕見我
從衰後往來休數三隣里皆凋喪六十光陰太謬悠有父
有兒兼有弟世間唯子最無憂

李承旨忠綽挽

銀臺學士最清真天假貂蟬佑善人夙歲孝思風撼樹暮
年羸病甌生塵佳時直節知無補傳世佳篇覺有神稚子
呼爺幼婦哭東城日月自千春

申駱峯挽二首

星嶽千年降文忠幾葉孫學窺前聖統詩入盛唐門廊廟
凌烟閣溪山獨樂園一生明進退青史炳然存

天柱歆傾日邦家殄瘁時典刑無耆老風範有佳兒簪竹
春空長巖泉細自垂沉痾不得哭悵望若為思

宗僉知之翰挽二首

黜閑生賢胄通姻兩政丞詩書為可繼文獻足堪徵歷局
才微展陞貂福久膺浮生誰把玩七十亦風燈

早識通門舊叨從禁鬱親交期承醞藉世業服清真孰有
希賢想今無好古人沉痾不成哭揮淚謾盈巾

李參判澤挽

肩隨都下士蓮榜上庠生共折蟾宮桂同題鴈塔名郊原
數畝宅來往一牛鳴梅藪無消息傷心獨自行

宋三宰純挽二首

直道頻傷翻名場懶着鞭黃扉榮養後綠野退休遠物外
千年鶴人間一種仙計音吾不信應在玉皇前

夙歲蒙心獎中年隔眼青摧頽太行路淪落老人星故國

陽春曲中天俛仰亭長吟意無極千里欲誰聽

晚仰宋公別墅名

白四宰仁傑挽

耆舊星稀老目傷公今去世默摧腸民人墊溺誰拯濟宇
宙荒涼失棟樑青史煒煌留直節黃扉稠疊駐恩光家庭
雙壁看看羨始覺云亡乃不亡

任林川重臣挽

通家舊事君能識莫逆深情我自知
青眼容尋舊幾日白頭推痛永相離
黃堂嘉績垂三邑丹桂恩光滿一教
泉下如逢負暄老為傳孤立鬢成絲

挽洪祥原以坤二首

篠簞相善到華顛愈覺芳蘭氣味全
甲會更無君在座老來追憶輒潸然

虞鄉雙壁照人光朱老清風可八鄉
六十餘年真一夢浮雲何處問行裝

尚相國震挽三首

亶亶三朝老巍巍百辟師邦家倚柱石
臣庶望耆龜世道

水方道卷一
三
濯淪喪皇天不慙遺押班安所仰空想舊威儀

十載巖廊上咸稱長者風納污無較量利物不居功厚德
留人腹純心沃聖衷風流話不盡應照簡編中

里開推仁美詩書托鯉賢觀魚陪極浦落筆侍華筵
新摧柱瑤琴擬絕絃懷恩祇一哭淚盡舊堂前

禹判官仁秀挽

相知自妙歲莫逆到華顛豈料歸田日翻成就木年
謝鷄悲入夢拒鳳賀聯翩通判空題墓無人識子賢

曹處士植挽二首

聞道南溟逝臨風拭淚痕乾坤正氣熄山海老星昏
絕學

從先進危言動 至尊當年如見用
糠粃鑄義軒
苟合非公事相知不我遺
一絲扶鼎日千里降香時故屋
閑茶竈春山長石芝平生認黃鵠
今在紫虛司

哭弟慶元二首

人間作兄弟廿八年于茲汝今捨我去
我復其依誰謂汝收我骸我反埋汝尸
相悲幾許時不悲無窮期
鬱被果州隴外家先所藏
辰水繚以曲厥土平而剛
生平以為樂夫豈遽存亡
日月鎮清明永世其無殃

李判書潤慶挽

蓮榜叨榮下薇垣
華托僚秋山脩契日
風雪對床宵舊事

那堪說餘生不自聊撫孤東路永衰鬢晚蕭蕭

弟婦挽

先君憐我季名閥托嘉姻弟病不營產嫂賢將拔貧古居
孀節苦滅性孝心純賴有牛眠地唯存世守人

李一齋挽二首

少歲聞風立圭庵豈誤人尋源窺道妙返朴葆天真象魏
聲華徹林丘尺一頻終然錫我福有壽報公身

閱世無全士收身是勝流優游畎畝樂濩落子孫謀古縣
雲無主詩山日又秋平生惜賢志揮涕望南州

李判官文殷挽二首

作養吾門日看君在妙年浮生一春夢相對兩華顛五馬
榮鄉曲孤旌出漢邊新塋近我北冥路話重圓

君曾是我甥溫然保令名居廬誤遺命抱樹若為情樂起
諸天際魂歸一路平何曾滯丘壠日月自清明

金判相鎧挽

先孰金蘭契明廷夙夜賢人論做得錯自許直如絃拽欠
驚殘夢素鄉卜舊阡傷心郭外宅花鳥度年年

金叅判繼輝挽二首

竊慕人惟舊常慙批在前那堪垂老境又作吊亡篇經濟
胸千古行裝守一毡清風不可邈空有典刑傳

平生慣許國萬里忍衰羸免仆燕山路歸伸魏闕思王樓
徵記日宣室席前時不盡仙居樂人間枉抱悲

申牛峯津挽

德業高靈裔文章企老兒如何要路地獨使世臣遺身落
牛岑日魂歸駱洞時哀詞題兩世衰鬢盡成絲

退溪挽詞二首

間氣人爭識微言衆莫聞溫平菽粟味粲爛斗牛文進退
依先正尊崇荷聖君山頽更安仰剛厭世紛紛

名下追隨久寮中獎謬偏南樓枕書日西郭擷芳年往迹
空超電餘生不直錢重逢倘有地應在玉皇前

金相國克成挽二首

達尊齒德古賢同
勲業能兼爵位隆
雲脂長沙誰指倭日
晴黃閣忽登公
洪河賸有容人量
喬嶽難窮利物功
天不
慈遺民失庇鷺
班無復挹長風

陶甄剛被十年春
門下諸生誦德新
從古科名連捷首
向來經濟獨超倫
傳家儀範應時彥
坦腹文辭是好人
進退
同途思我祖
失公前路更迷津

下月廿五日...

...

...

...

...

...

...

方外錄

次吏部朴尚書思菴韻題山人性真軸

吏部文章足太顛強尋糠粃亂豐年殘生屏迹非真隱半
日閑談亦勝緣野逕封苔春不掃鄉山入夢翠爭妍人間
煩惱何須問且讀南華第一篇

贈道禪長老

龍藏寺前曾識號摩尼山下幸逢君秋深故國多紅葉水
落寒溪盡白雲河辯劇談生死理夜禪清警利名羣天壇
禮罷還收視除却清鍾百不聞

報恩寺題僧軸

屈指于今二十年梅花堂裡復來眠書生已老成華髮病
鶴猶存學坐禪彭澤歸心廩五斗廬山舊跡渺三千相忘
不用重相憶後會同期兜率天

贈一見上人

春日花開曾訪我秋風葉落更來思十年世事雙垂涕一
夕清談右捧頤明月自生新雨後白雲歸及暮鍾時溪邊
過了煩相送三笑廬山有舊規

題山人卷

化詩曾在五霜前青眼重逢癸卯年臘日風烟尋舊寺紙
窓梅月破孤眠終南洞裡留行錫皆骨山中學坐禪一別

心清如水老朱生南服遺民尚說名
白首窮經尋故事青衫作吏近邊城
耽山手笏時堪拄寓興瑤琴不取聲
一味蓼湯消百慮鬼門關外壽星明

送宋應旣令公左降祔川

安危去國日風雨出城人別恨同春草
江南處處新

送朴君次令公赴蒲浦

兩家喬木蔚千章三世論文意未忘
健筆詞臣才似馬輕裘儒將智如羊
身當鎖鑰黃雲遠念切君親白髮長
塞月胡山休道久鳳凰池水染春光

送同年朴江陵赴任二首

追思辛卯幾經秋二百人中十箇留對面真成兩白鶴過
關疑駕一青牛文風盛處宜敦獎吏牒閑時合勝遊鏡浦
寒松明月夜主人應作列仙儔

人間膏火雪渾頭為問何方可去憂惟我空存食肉相
君能作出塵謀藥鎔丹竈尋常覓方丈瀛洲次第求萬一
刀圭換衰白幸分餘瀝到雙丘

送人西行

龍沙霜落秋程遠鳳闕衣冠曉漏遲歸及臘梅猶未破雪

窓雪討錦囊詩

送習齋赴安邊

十年蹤迹寄奔忙不覺浮生鬢已霜却喜分司真吏隱岸
巾終日卧藜床

山人玄機軸二首

衿老云亡醉竹仙野橋驢背絕吟鞭王樓才調無因見偶
向高人卷裡傳衿老李純亨醉竹姜克誠

玄機師訪圓機客一宿禪堂亦舊緣老去虛名將底用山
僧來展雪花牋

山人軸

歸去江東張季鷹海村烟月絕來朋幽懷撥向寒山社晚
路知音屬老僧

秋雨悒悒過一年寒窓燈火借僧燃清晨鶴拂烟霄去志
在丹崖萬丈巔

題竺長老卷

瓶鉢休來學坐禪蕭然一榻且隨緣終南山下求詩語攬
我春窓白日眠

山人惟政卷壬戌年遷陵時作

茅齋危坐度朝曛驚見秋光老一分白首喬山重墮淚帝
鄉何處杳乘雲

山人信默軸

來無住著去無礙入定伽椰第幾峯叢桂滿山秋雨暗不

知何路可追從

次頤菴韻題戒元軸

東籬種菊近三年
薇蕨幽香思惘然
世上無人識我
抱山僧來作好因緣

送法蓮遊山題其軸

行無根蒂止無憑
天上浮雲地上僧
薇蕨生時新罷定
落花芳草襯枯藤

山人智浩軸二首

麗家千劫有孱孫
流落縉緇間亦不羣
畢竟尊卑何足較
過空同是一浮雲

曉贖殘生尚未休
郊扉偷掩菊花秋
僧來說著鄉山勝
與在驪江一葉舟

山人軸三首

殘生浪蹟各逃空
蕭寺逢來兩禿翁
他日相思杳何處
井蛙迢遶隔雲鴻

上方高處透圓機
下界微塵願久違
打盡無生香火裡
回頭三十一年非

千重海嶠趁雲行
山外微茫細路橫
飛錫歸來應有日
洞門松蓋為君傾

送學祥比丘次思菴韻

老病炎塵卧送年飄飄杖錫喜彌天台庭乞得詩如畫一
任禪林萬口傳

元韻

入歸寥廓已千年孤鶴猶栖舊洞天石筵荒涼秋雨
暗仙歌惟聽野僧傳

題圓上人卷

東風燕寢坐焚香花氣薰人白日長為被僧敲開午睡彩
牋新灑寂寥章

題山人性雲軸二首

人間膏火本相煎大地洪爐六月天安得此身生羽翼與

君同上問風巔

良工濡墨寫溪山公子催詩數往還
勉把老毫題小偈好風吹送白雲間

題山人軸

驅馳原隰愧甘棠願費禪房一炷香
行色未休詩軸進山僧添我一分忙

題鑑上人卷

委蛇退食倚窓眠龍鳳新茶活水煎
僧到僧歸一場夢鶴邊斜日下春天

題山人軸

禁林垂老惜孤枝無限新愁集兩眉遙想茶烟禪榻靜落
花空咏拙家詩

重興寺僧赴福川索書題寄報恩宰

脫却重興赴俗離山人元是舊相知福川泉石逍遙地倘
有遨頭結社時

次韻題山人軸

山如碧玉水如羅渠是人間富貴家別有風流堪畫處衲
衣來浣泛溪花

題山人軸

來何容易去何忙又向東關踐雪霜春晚長安宜住錫碧

溪流水繞禪床長安金剛山寺名

題灝上人卷

談空未了又談天收得簾前幾箇錢欲把行藏輸握粟竹
窓秋日伴僧眠

題然上人卷二首

朝罷委蛇退食遲一簷松月正依依通宵欲作無生話喚

起山中一衲衣

慈悲清淨兩無之次律應知過去師想得三山五天竺兩
翁當有更逢時

湖舍奉次叔父韻題真上人卷三首

重午風光繞翠巔綠陰門巷繫鞦韆人間滋味無多子
殺漁家數擊鮮

百轉鶯聲犯曉光地宜清遠好焚香江南此去知何許閑
省西風片帆揚

隔岸鍾和烟水鳴招提何處夢長嬰山僧解事來敲戶添
却詩翁句發清

題山人軸

忘筌當在得魚時惟見紅塵污雪眉顧我無由導津筏楞
伽一讀勝求詩

題山人玄宗卷

君復筆端三昧盡玄宗袖裡五湖秋看來忽起江東念興
在蒼茫一葉舟

題仁上人軸

百丈炎塵退食回煩襟時向北窓開昌黎一語真堪誦空
愧高僧數往來

題山人雪渚軸

蒼茫落落下山城逢着雲蹤覺眼明孤燭五更禪話罷洞
門秋日去留情

越一年又題二首

妙德聞懸最上峯憐渠來住四年筇山中梵明搖林樾談

省胡然待曉鍾

初逢戊午正春回豈識東林再度來此後何年更三會人
間白髮苦相催

題山人軸

竹林新畫鈍翁詩論價無金實倍之添得九牛毛一箇野
雲行李欲何為

有僧自坡州持聽松詩來索句

坡山老隱聞聲久揮灑風烟滿紙來南郭逢僧商略盡一
匡籬落豆花開

山人信言軸二首

殘生老病欲何之只許尊鱸縮夢思雲衲相逢料理處故
山秋月到窓窺

萬景樓中晚眺時橫雲石骨露脩眉湖翁此語尋常服願
躡遊蹤到處隨

題山人軸

殄瘁章成許國人相公今日又為塵風流一話留僧軸墨
跡看來尚有神

為春卿叔題默師卷二首

雲衲忽從圓嶠至清詩遙自海村傳松窓相視燈花落三
笑廬山定孰賢

天寒空裡多風雪身老人間厭是非縮地無緣共青眼夜
來唯遣夢魂飛

嶺南遇舊識山人二首

嶠南行色滯中州林壑奔川繞馬頭三十七年重到此山
僧依約會龍湫

雲蹤萍迹兩無依南北東西擬可隨自是風飄俱萬里相
逢無幾別多時

山人信性軸

新年閉戶師玄晏舊業栖山憶惠休逢著上元燈未點月
華初動掛銀鉤

山人印熙軸

巉巖石骨露高臺從古靈珠不染埃孤鶴遠盤雲水勢瀟
山秋雨獨飛來

題山人卷

鼯睡終南畔幽禽竹外啼催詩僧帶雨春水自生溪

贈山人

烏鵲傳新喜鷄龍憶舊山憑渠問消息君與白雲閑

題山人軸

行李秋將晚扶桑日又昇路岐成白首慚愧定中僧

僧軸

雪融南嶽細通渠
脫後青嵐統紫蘆
消盡鷓鴣斑一炷
烟千疊惹僧書

天磨僧性熙軸

天磨石骨欲磨天
孤鶴栖雲不記年
底事秋風冒袂
來松下破茶烟

贈山人書于果洲村庄

簪組場中一老人
林園勝處往來頻
逢僧偶打無生話
盡從前萬劫塵

送奉惠勤長老於觀音坊

刺桐花落掩重關
城郭幽居勝似山
廬岳舊交來問

傳消息向雲間

題僧軸

南郭新居午夢回一窓蕭爽竹風來
還憐老宿徵詩至踏破閑人滿迳苔

題僧軸

平生志願在求閑底事今年又強顏
目病聊成十日暇小窓幽獨抵歸山

題見上人卷

老去塵緣苦未刪一宵禪榻却忘還
庭叅群衲求題句誤我浮生半日閑

再次海翁題山人愛政軸

自比相如卧茂陵南遊津筏苦難能重來會作秋宵伴話
盡無生到曉燈

題山人敬玉軸

鵲原相憶淚成泉白首重逢二十年花木春溪故携手江
都風物尚依然

次樂山韻書戒悅詩卷

八載相離在世間殘生今日到江千山家幸有知君納遺
墨令人拭淚看

題僧軸

梅花斜映舊山房十載回頭意杳茫
誤道山僧本無事一春渾為點茶忙

題雄上人卷

梵音洪暢掄揚響振林巒繞屋梁
安得煩師數偈了上方同聽降真香

雜吟錄

思子臺

自從心荒厭直言汲黯出作淮陽吏堯母名歸釣弋門犬
臺姦為直指使春宮寵移趙氏兒却知母愛還抱子陰謀
睥睨宇宙間百計庶為安身地夫何妖孽駭周公又啓趙
虜彈冠喜羅織翻成萋斐錦妖氛忽犯前星紀丹心無路
照白日坐受逼迫徒死耳區區自免計誠急一毫犯父寧
有是回天苦晚事已誤百悔難贖阿兒死孤魂耿耿抱深
冤湖邊無賴高臺起戾園風雨夜悠悠望思不來終誰弔
湖天杳茫湖日斜洗恨直欲傾湖水人心慈愛非外假古

往今來同一理輕將外言割天倫聖帝明王何忍此掇蜂
深傷伯奇賢投杼竊為曾參耻哀吟題作疾讒詩留待後
來知言士

未央宮柳詞

君不見紫陌前頭微雨收嫩葉依依遮畫樓凝粧美人在
簾下白面阿郎繫驄馬又不見長河橋畔二月暮千條萬
條黃金色臨風折得最長枝泣向斜陽贈行客豈如承恩
日邊柯未央宮裡春風多年年雨露近椒掖裊裊拂地三
千尺金鑪沉屑翠烟橫玉階桂樹天香襲長樂鍾鳴妃嬪
起臨鏡畫眉如畫葉玉環含笑妬腰肢纖纖手弄纖纖絲

飲飲舞態學霓裳歌吹聲和鸛語長悲涼清蹕蜀山遙故
宮無主春深碧宮中行樂有幾事未聞寧王夜吹簫風枝
依舊細腰非露葉尚新蛾眉隔西風南內秋日晏掩面君
王看不得繁華幾時亂離來富貴不如貧賤好人間悲樂
寂如掃草木無情天地老傷心不獨殿前柳古槐踈冷芙
蓉死隋堤亡國是何物落絮漫逐東流水焉得蒼蒼後凋
姿留向歲寒看不已

彈琴

六人環坐小堂陰整理王孫綠綺琴巫峽初聞猿鶴怨崑
山始聽鳳凰吟潯陽舊濕江州袖座席今沾校理襟彈盡

文王應更好直須看月到更深

詠猿

老人形貌小兒拳見樹飛騰被酒眠
卉服相傳變渤海朱門爭買費金錢
楚山林木思千里東土風霜度一年
縱有三聲誰解聽秋來省月自傷憐

燕途雨中旅懷

久耐三庚熱還逢一月霖
客窓千里夢孤燭五更心避漏
無完屋消愁有短吟
吾廬眼中見江水幾箇深

教民戰

危事難常習人情枉久安
聊為征戰法正趁士農閑
部伍

排星置旌旗耀日損却須嚴器械留作太平觀

賜祭棘城

聖朝枯骨亦霑恩香火時時降塞門祭罷上壇雷雨定白雲如海滿前村

獨樂臺春帖臺在南郊別墅

獨樂何如衆樂俱也聞歌頌在康衢梅花欲謝春無盡一任和風拂玉壺

家養野鶴送于蓮堂

青田消息杳無傳垂翅人間不記年寧與仙家齊羽翼任教他日自冲天

與玉堂諸僚期會蕩春臺因雨不至

秋山紅葉錦屏開
泉石中間逸興催
自笑老翁多錯料
滿天風雨獨歸來

燈夕陪聘母次金希閔韻二首

遼塞前年綠葉新
客中無賴送佳辰
今宵偶作家山會
喜見堦花殿晚春

鶴髮強康喜氣新
壽星天上耀今辰
生來曲逆懷恩重
且獻樽前竹葉春

無題

烏栖昨夜凍雲生
白雪飄零柳絮輕
帳裡佳人搵手道
天

寒如此不須行

夢賚亭春帖亭在東湖三首

白髮先朝老判書
閑忙隨分且安居
漁翁報道春江暖
未到花時薦鰕魚

梅欲粧梢柳欲顰
春江水泮綠粼粼
老臣無預安危事
唯向楓宸祝萬春

官閑身謾世誰真
夢賚亭中白髮人
賴是朝家無一事
扁舟來釣漢江春

忘題

人生飄迫長南北
去歲歡娛今歲愁
節物依然人事變
落

花無語水東流

謾書中學案面

懶夫隨例赴朝衙日午空庭樹影斜
吏散人稀無箇事獨憑書案數楊花

嶺南行館值雨

夜雨鳴簷到曉時前灘聞道水齊眉
山靈不許輕輕放留費行人一首詩

晉州書齋值立春三首

萬竹林中值立春東風吹酒綠生鱗
驚心舊客逢新菜把臂今朝對故人

書齋新起碧山隅
揖我趨蹌有九儒
此地文風似鄒魯
軒終日講唐虞

三朝伴令老尚書
扶節南來齒髮疎
導率迷方期待重
一篇詩什是權輿

設題書燈三首

四月清和節
觀燈樂歲華
乾文看徹曉
星落萬人家
竹實垂寒壁
桐花落晚風
鳳凰看不至
悄悄抱遺絰
松月尋柴戶
溪風透葛衣
無人共清景
來往自忘歸

久雨

浹旬時雨互陰晴
簷溜連宵似建瓴
節過黃梅猶漠漠
夢

四青草尚冥冥斜侵薜荔涼傳枕亂打梧桐響振庭思接
病懷開北牖喜扶藜杖出西廳泥融庭院飛玄鳥蛙鬧池
塘散綠萍點檢琴書歸屋架栽培花竹近林亭消沉香縷
微微白潤色山光鬱鬱青悄悄何妨人不到寥寥堪喜戶
常扃園僮報道瓜盈尺室婦呼來酒滿瓶遙想江湖新翦
笠行追漁伴下沙汀

別柳枝詞

楊柳花遠別離隨風好去歸何時好好去莫回首人生當
別離三春紅臉一朵花兩鬢白髮千莖絲啼鶯慘慘出新
聲落絮依依懷舊枝含情却向主人辭口不能言心獨知

金樽幾日共行樂風月百年同吟詩千般密約付流水萬
重幽愁凝翠眉遠別離莫怨嗟樂天豈是情薄兒前年賣
駱馬駱馬悲鳴吾涕垂金鞍玉勒懸莫騎夢向花月頻驅
馳生年七十未滿二病裡瘦骨留鷄皮歌喉澁未調舞袖
翻為誰種桃不自玩不如他人移遠別離莫怨嗟青春一
去無回期閑花落地有戀着去去萬里春風吹遠別離十
步九回頭回頭玉淚雙交順人生何處更相逢別後明月
長相思

玉河館記夢

旅館燈生暈虛簷雨嫩明婉容來入夢青眼各含情巾櫛

違三月糟糠守一生吾言君倘記身老可歸耕

蓮娥帖八首

齊安館裡檢殘春花艷無存綠葉新三十年来重到此白
頭青眼舊時人

拱翠亭中挹翠時四山雲物捲晴暉曉來對酌梨花下一
任東風燕子飛

寶山纔過又安城桃李枝頭百鳥聲紅袖好揮金拂去綠
楊堤畔馬蹄輕

青春御史極風流搖落黃岡屬暮秋玉井故人如問我為

言兼謝雪潭頭右送金御史仁伯

別時殘燭照銀屏別後音容已杳冥回首片雲天共遠
明今夜宿郵亭

省裡文書惱病身秋風別恨若為陳丹楓黃菊齊安路為
問當時勸酒人

風流杜牧誤佳期自恨尋芳十載遲老我重遊更衰晚不
堪雙鬢白如絲

龍灣千里首歸程腸斷班驩獨自行相對離愁似春雪夜
深燈燭按歌聲

留黃州

三月齊安花帶雨關山行客久遲留東風莫擻隰脂落繁

艷重看廣遠樓

贈金海妓

伽倻琴在古聲殘幾度聞君月下彈直到夜闌紅燭盡曲
中哀怨別離難

七夕

白露橫江河漢流今宵織女會牽牛琵琶撥得清商曲楓
葉江頭長別愁

綉枕和兒作

閑花黃白交相締聞自秋娘指下開枕得濃香成一夢添

團胡蝶好飛來

表箋

擬禮曹請撰東國名臣言行錄箋戊戌謁聖科製居魁

思而學學而思思學既法於往古行願言言願行行言宜
示於將來俯據葛堯之懷仰冀冕旒之採竊惟君子之樞
轄實係衆人之瞻聆賢者出為王臣必有言行之蹟國史
主記時政泛存褒貶之辭苟不點綴於今曷能表白於後
恭惟 主上殿下知人善任明目達聰學就緝熙心存帝
王之範道傳精一志功唐虞之治故君明而臣良茲上行
而下效忠節謹論於圖尚有竹帛之可傳嘉言善行隱
於家將恐泯滅而無聞宜倣宋朝故事俾撰東國新書觀

其事彪炳琅琅使可為規模法式口無擇身又無擇皆有
稽古之方古為師今亦為師足多勸善之力臣等伏望察
臣早懇行臣至情亟下絲綸之音特命撰修而進則一言
必錄可以見名臣之肺肝片行不遺非但學古人之糟粕
遂令聳動乎當世亦將表著於後時臣等謹當行所未聞
勉其不及吐辭為經舉足為法縱未能大醇而少疵聞善
則拜見過則遷庶幾學日將而月就

議政府賀重修景福宮箋

惟皇天降災降異既體仁愛之心而後嗣肯構肯堂復親
宮闕之貌三靈協慶萬姓同歡竊惟居室之經營實由三

智之制作易取大壯著上下棟宇之規詩錄斯干歌風雨
鳥鼠之去稽先王胥宇之地屬我國之鼎之年面水背山
鬱居龍盤之勢左廟右社允協龜從之辭經始緬思於往
時重新適丁於昭代恭惟主上殿下增光前烈垂裕後
昆法唐堯茅茨土階博施未病於帝德師夏禹惡衣早食
昌言畢至於聖朝宜一世共升於大猷舉萬物咸囿於至
化豈意魯侯之殿遽罹宋國之灾曲墜徙薪羣臣無先見
之智轉灾為福一言有回天之誠爰作室不容於道謀若
决疑多屈於羣策規矩準繩方圓平直不可勝用衆巧咸
致其能樽楹侏儒椳闌扂楔各得其宜大匠爭效其技式

瞻象魏之如故載識天命之維新重威何取於未央改作
無議於長府千門萬戶父老驚漢官之儀上簾下莞熊羆
應周家之夢是謂子來而超事豈云時屈而舉羸見彼叢
墻思先王爰笑爰語貽厥孫子永萬世攸芋攸寧峻整有
廉隅宮室表衛武之德洞達無邪曲門戶如宋祖之心屋
漏無愧於一身意誠心正清陰可分於四域物阜民安伏
念臣等尸素有譏燮理無效當燕雀競賀之日是宮室落
成之秋思一日萬機之繁未獻無逸正南面出治之本力
贊太平

擬本國請頒降大明會典表

大陽普照既承旁燭之光寶典重新敢希踰分之賜情緣
危迫請非尋常竊惟帝王一代之鴻規實乃子孫萬世之
燕翼然撫事蓋憑於聞見或記實未免夫差訛盡信不如
無聖有垂世之訓十易未為病事貴覈實而傳茲今典許
改之恩寔皇上無私之德欽惟 皇帝陛下功深覆載德
侔生成出治化務隆三代使萬物咸遂其生視天下猶吾
一身無匹婦不獲其所顧我世係之失實為因讒言之構
虛念惟先臣起自寒地勤勞許國忠績夙存於王家塞淵
秉心名望漸著於高位值國運之告訖奉妃教而權承原
本譜罔涉妍亮考載籍昭若日月錫爵允出於帝眷寔循

輿情拱極每殫於中誠罔懈藩職豈意傳虎於市人久作
援杼於慈母承訛襲謬祖訓玷妻斐之言受誣抱冤下國
結幽明之痛臨民人而有愧慕羹牆而增悲命申自天昭
雪依兩朝之辨事歸正名採錄得一世之公奉綸綍而若
迷行頒降之幾日一札尚在微臣敢疑於天衷全書未頒
舉國咸鬱於目覩臣伏望廓內外無間之量大車書一統
之心特下錫與之音俾窺編摩之迹則弊邦之曩倫復序
豈但無忝乎祖先盛朝之憲章不煩亦必足徵於文獻臣
謹當益堅拱北務恪釐東不愆不忘一遵皇朝之成憲多
男多壽恒祝華封之善辭

謝賜几杖箋

年屬給文敢乞骸骨之賜恩垂鳳紵繼荷雨露之霑揆分
若鶩撫躬罔措伏念臣名編舊族德愧前人惟先世輔翼
累朝率有塵露之補而微臣遭遇聖代徒積尸素之譏丹
心祗効於明時白首愈妨於賢路意絕立黨誰信大防之
孤忠計熟歸田欲全歐陽之晚節卑誠未徹於寥廓異數
反加於支離鳩刻鳥皮允矣中心之貶瓊者雲液展也上
畧之珍銀貂宣命於窮閭笙管傳聲於法部醉酒飽德奚
但一家之均歡夢老提孩燕見九族之畢至有何踰人之
德蒙此不世之榮況丁國事之多艱又值邊虞之孔棘匡

時無策撫靈壽而潛悲陳力固堪據枯梧而增歎老馬空
思於伏櫪病鶴何益於乘軒茲蓋伏遇 主上殿下道合
乾坤明並日月俱收長短不遺於一藝之名普照幽微必
察於衆惡之地遂令殘喘獲紆殊私臣敢不祗承德音信
殫愚悃存心爨理縱之調鼎之功毋死領更庶貧垂衣之
化

文

壬午年皇華集序 應製

洪惟 皇朝光宅九有聲教遠暨四方萬國不問海內外
罔不臣服惟我 東藩最蒙 恩顧九有大慶必先昭布
又擇道德文章之士為之使自 列聖已然矣今 皇帝
踐祚之一十載治化隆洽增光 祖宗皇天眷佑錫以震
嗣實宗社生民之慶誕告多方覃思宇內有司以朝鮮素
秉禮義世虔侯度寵諭之典粵有舊規以 世宗朝故事
聞 皇上可其奏於是翰林院編修黃公工科右給事中
王公實膺其命我 殿下靈承 帝眷惕然兢慄召議政

府右贊成臣李珣暨臣惟吉若曰惟我皇家積德累仁慶
孚神人不穀殿此僻壤亦與鴻休感戴欣抃之誠無所可
效惟領待皇華一事可盡心焉爾珣為遠接迓于境上爾
惟吉為館伴供奉之事一體予意臣聞命震越惟不能盡
職仰孤 殿下之旨是惧焉兩先生受命四十餘日直抵
藩都肅敬使事之外溫愉寬假克諧以禮而驅馳原隰每
懷靡及月僅三轂而復于朝其始至也東人仰之如景星
之麗于天儀鳳之降于庭莫不覲德而心醉及其去也比
如飈輪羽蓋上搏紫清不可跂而望焉我 殿下感 皇
恩而罔以報慕使華而不可留則增秩取士與國同慶其

咳唾珠璣散落東土者收拾入梓以永其傳乃命臣為序
臣以無狀謬忝館任邇下風而承顧盼為日亦多觀其登
降周旋雍容中禮襲乎人者益若陽春形諸言者穆如清
風詠嘆之間不啻如吹竹彈絲敲金擊石傳所謂有德而
有言者蓋於兩先生見之矣臣竊觀後三百而詩自晉魏
以降體格之日變組織之漸工因之而有放曠輕佻靡麗
怨誹之習紛然繼起噫音生於心而感之者故則亦上之
治教使然豈但為作者之過是編也其寓目興懷引物連
類者率皆清平敦慤發乎自然而襟懷之玉潔氣味之蘭
馨實寓於文字之間此非感治化之美得性情之正者能

如是乎吁詩之云亡久矣 聖天子在上以身為教治源
既正四方風動人之邪思非慮消融蕩釋於太和元氣之
中雖閭巷俚謠皆足有懲創感發之意矧夫身際亨嘉地
屬近密八則論思獻者出則將命宣德者無恠乎其言之
所發粹然一出於正而詩教之蔚興乃於今親見之豈非
幸歟然則皇華之集不但為東方之寶將永傳於天下後
世也必矣他日歌賡載賁皇猷以振大雅之作以新一代
之制以繼成周之盛非先生其誰望焉萬曆十一年正月
二十五日崇政大夫判敦寧府事兼判義禁府事五衛都
摠府都摠管臣鄭惟吉謹序

附靖節集跋

古之文章之士有集之作于世尚矣然不過騁詞藻工雕
琢取悅於一時流名於後代而已至於性情之真出處之
正藹郁於簡編昭晰於宇宙使讀之者惕然起敬於千百
載之下者其惟靖節集乎恭惟 主上殿下聰明冠古緝
熙加功其於朝夕經筵講論經史沉潛反復之外凡諸子
百家之粹駁異同靡不旁搜遠覽有可以補文治關世教
者率皆涇渭於 睿鑒於是乎特舉是秩令儒臣審定而
命有司監印命圖畫署別提金提圖其迹又命臣惟吉題
其卷後臣竊觀淵朋終始古人論之備矣所謂欲仕則仕

欲隱則隱飢則乞食飽則迎客以此一節斷盡淵明心事者得矣然身在柴桑志專宗國迹參魚鳥忠貫日星其清風高節有不可以筆札形容者則昭明之所不能傳延年之所不能誅也是以其發為詩文者獨超衆類高不可并曠不可隣淡泊乎有大羹之真味焉啗默乎有咸池之遺響焉可以上列於三百篇之間矣但為學詩者之門庭而止哉九原已矣思其人而不可作所以搜抉餘芬點化遺像使之焜耀人目激礪頽風其惓惓於大閑急務而扶植教導之方實寓於茫運宵化之中斯盛舉也嗚呼世代有前後之殊遭逢無古今之別聖心虛佇恨不同時淵明

有知應處異代讀是集者其必意會於此然後庶不失觀
詩之旨矣萬曆十一年月日奉 教跋

題僧軸小序

余在見佛山之茅舍松蘿滿洞秋雨蕭蕭有僧五人相踵
而至余乃調之曰余已入山耶是何山人之多也仍與之
點茶青燈一榻相與各進其所為焉山山水水皆自牙頰
中出來甚可奇也今夕之會一俗士而五山人山多而俗
寡俗不可勝山他日師歸雲壑余歸城市俗緣勝而山興
少惟此之恨雖然山自山俗自俗而亦有反其好者存焉
余之志不在山不在俗而在乎一孰知進退之機而識盈

虛之理者要與之同歸歲丙午秋八月上浣林塘居士書

通訓大夫行信川郡守黃州鎮管兵馬同僉節制使

金侯墓碣銘并序

諱生海字之渾安東大姓遠祖諱宣平事麗祖有功祀
於社厥後世有顯人曾祖諱係權漢城府判官祖諱永銖
司憲府掌令考諱璠登第官至平壤府庶尹有才望不克
施抱屈以終庶尹公娶社稷令洪傑之女亦簪纓世族正
德壬申生君君生而夙成年纔髫髻已知向方辛卯以門
蔭補慶基殿參奉殿在全州時為才者乃庶尹公執友
見君舉止異常亟稱之曰文瑞有子矣移授禧陵例陞

繕工監奉事卯酉之暇不廢攤書遂捷丁酉進士以尚衣
院直長陞為司贍內資典牲主簿歷司憲府監察以通禮
院引儀無漢城府叅軍尋拜掌隸院司評擢為戶曹佐郎
度支所屬文簿眩眼會計之當協於人心陞為尚瑞漢城
判官歷掌隸院司議入刑曹為正郎出為錦山郡守奉養
無闕閱四歲而遭外憂壬子服闋君坐前日決訟之誤置
散半年朝廷知其枉解之宰相交薦即為信川郡守郡乃
西海病鄉緣守宰非人凋瘵已極君字民補弊大有成效
戊午以支待詔使湯者不謹失火於庖厨坐是免官君
語人曰我今角巾東歸與婚媾親朋備酒食相招呼以度

伏臘足矣未閱月而暴卒於官痛哉是年九月日返葬于揚州瓦孔里丑坐未向之原從先兆也君容貌豐偉氣度寬平在家以孝友存心居官以清謹立德至於敦睦之行有加於人故親舊不自給待公施與而衣食者亦多有之筮仕三十年所至有聲績吏胥不敢欺同僚無間言此其所以難也以器以望宜若遠到而官不過四品壽不滿五十天之報善人何其舛耶公之內即王子景明君之女賢有婦道有男三人長曰大孝娶漢城府右尹李英賢之女次曰達孝娶忠義衛李承說之女生一男幼季曰克孝即惟吉之甥也葬有日其孤等抱善狀以泣曰吾先人生有

懿德而不施之於大死有令名而不表之於後無以並前
人之痛敢固以請嗚呼余豈能言者耶乃掩涕而為之銘
銘曰

永嘉之金聲于麗始世服其美光諸國史京兆貽厥御史
青堂矯矯平尹不售而亡惟君是嗣其行克修弱冠筮仕
學則乃優名揚評議績懋郎官宰相交口錦珉是安若若
紫綬以榮以養風樹嬰懷雀鼠構枉惛惛三載踽踽半年
內石之瘼左近以然君其徃理變為和聲回祿報災盡然
以驚伏膺招呼東路為期不病而逝天乎至斯極于西海
壙于東臯風雲慘愴鳥獸悲號有婦克賢有子克肖微辭

刻石惟後之詔嘉靖四十一年資憲大夫禮曹判書無知
義禁府成均館事弘文館大提學藝文館大提學同知
經筵春秋館事鄭惟吉撰

朝散大夫行通禮院引儀李公墓碣銘并序

公諱宗彥字實之龍仁人遠祖諱吉老佐麗祖第三韓壁
上功位至太師三重大匡厥後簪組相繼世有聞人十三
世而曰中仁駒城府院君其子曰士渭判書以文行從圃
隱牧老遊判書有三子長曰觀察使諱伯持以文藻政材
稱是生諱守綱利川都護府使贈戶曹參判於公為曾祖
是生諱行倫全羅道兵馬節度使是生諱績司僕寺正卿

公之考

成廟遇災

幸學求言寺正在韋布中抗疏亟

蒙

稱賞

特授宣傳官為正言論列疵政犯觸不諱御

筆稱其忠直公乃其第五子也妣李氏永川大姓司憲府掌令永敷之女成化己亥生公幼而穎悟長而恭謹慈祥愷悌樂善好義嘗曰為士子者當以小學律己早失所恃追慕號泣上事寺正孝順無違下遇兄弟友恭無盡及丁內憂執喪一遵朱文公家禮有事於祖先必齋沐致誠遇考妣忌晨素服而哭凡節物不薦不食公之季與妹及兄之子窮無所歸公與之同居而終無間言嘗分財之日擇田廬之荒頓者乃自取之親舊之窮不能自資者必周卹

之其篤於內行如此屢舉不第遂絕意紛華常淨掃一室
聚圖書栽花木日嘯咏其間自號竹林居士晚調通禮院
引儀辛巳六月十二日以疾終壽四十三令人嚴氏寧越
望族成均館典籍孝良之女生於成化乙巳十六歸公居
家盡孝敬之節寺正稱曰吾門有賢婦令人性嚴治家有
法及公歿號慟不食絕而復蘇喪祭之外廢棄人事者十
年其教子先行後文曰吾見乃家世守清白孝公盡瘁惟
忠惟孝汝宜法之輕財樂施克承公志故士流之數姻睦
者皆以李門為先慎終追遠不墜家業故宗黨之取節義
者咸以令人為重後公三十四年而終于六月三日計聞

玉服之親如哭考妣公舊葬于衿川之巖串以土性瘠瘠
宰木不廡遺孤等奉令人之命遷厝于楊州治西杏洞寅
坐申向之原以令人祔于左即公先妣兆側也男二湛登
文科歷清華以弘文館副校理散潤承仕郎治舉子業女
一適文士前司贍寺正黃博校理娶進士慶世仁女生一
男二女男哲容女適金韞次幼承仕娶正張明遠女生二
男二女男哲光哲雍女幼正生六男二女男廷吉廷福廷
澤廷祿廷喆女適申澂餘幼廷吉生二女廷福生一男中
歿生一女皆幼惟吉鄰人也與校理有兄弟之義聞公家
之風者莫我若也今因托銘義不可辭銘曰

駒城之李太師為根培植孔厚歷世而蕃府院有子國牧
為倫觀察善繼以裕後人侃侃寺正文武之材抗疏批鱗
王曰直哉蓄其清芬公乃篤生愷悌君子器業夙成據德
自律小學是師執喪盡節家禮為規族姓取給義莊在茲
田廬擇薄薛公近之時命有乖紛華若遺陰陰花竹護我
樊廬公在其中左圖右書晚調鴻臚屈意于廷天不佑仁
而棄之齡葬地瘠壚遷之楊一豈無他山先壠是切有婦
克賢有子克肖絳幔既撤來與同龜徵辭乞銘刻之良阿
山崩水竭惟德不磨嘉靖戊午嘉善大夫司憲府大司憲
鄭惟吉撰

卷之二十一

宋書卷之二十一

六十三

新編通志

卷三

我

外王父造稿詩松石千首嗚呼少
我小子伏而讀之既久嗚呼不少
王父十七中司馬二十四擢大魁以文
詞大名於世賜暇東湖之書堂讀
書儲養書常故事陞堂上者輒去
獨王父仍命賜暇遂由書堂
進提學子由提學子進大提學子大提學
子古之大學士之名稱者也時
中朝明府繼叔父河館閣詞賦

作一歲月之間盈於心相繼 王父天

得色寺下筆意如十篇易石神
助一時學流雖以敏捷稱者必自謂
不及是以居生所著述極多殆數千
萬言未及梓行遭壬辰兵禍失之
今之以存乃千百之十一豈不為少也
哉竊觀詩之道倡於唐虞建唐虞載
歌而盛於周官列國采詩之後于以
考其以治之得失風俗之善惡人心之
邪正焉孔子曰溫柔敦厚詩教也

苟於是乎也。雖一第可也。曷嘗以
多為尚也。但少知觀此稿者。能識其
詩教。以發特深旨也。小子因不敢
妄為形容。而人不知。又不須辨。其
後。以為後世子孫寶焉。至於遭
遇太平。少鎮廊廟。正贊

三朝。久治其德。功有彛彛。銘旌常
紀太史之筆。永垂於不朽者。斯不復
贅云。

天啓辛酉秋。日外孫。東人。金尚憲。謹識。



曾祖父文章名世平生所著述甚多不幸壬
辰之變失亡殆盡王父常以為痛訪問求覓靡
所不至而所得僅若干篇譬如珠玉散落唯恐
拾取之有遺不限歲月之遲速久未入梓良
以此也太和謬蒙

寵擢杖節南來家君涕泣而言曰祖父遺稿未及
刊布先君捐館終天之慟言念同姓草土殘喘
莫保朝夕奉行先志今屬於汝太和拜受教誨
來赴任以耿心上以謀剗剗過半年矣公第經
經兵火板蕩已極猥膺

簡寄策應方殷勢有不遑未之果焉遠道內
邑宰有世分者聞而知之以為簡編甚少功役
甚微隨力圖之不至煩費雖當此時猶可為
也相與合謀鳩工不旬月而事已就完荷諸
公成義之義為傳後不朽之寶此豈私家之
力所能辦得哉秋毫皆

聖恩也不勝感激拜手謹誌

歲在戊寅春曾孫通政大夫守忠清道觀察
使兼兵馬水軍節度使巡察使鄭太和







荷葉林

王坤